

جريدة حكاية

١٢٩٠

صلى

نومرو	رجب	سنه	حزيران	سنه	صفحه
١٥٣	٢٦	١٢٩٩	١	١٢٩٨	١٢١٧

اشبو غزته بهر هفته صالى كونلى چيقار . سنه لى مجيدى اچقه التمش غروشدر بهر نسخه سى التمش
پاره مجيدى به اوله قى هر برده صاتيلور . درج اولنه جق اعده ناك بهر سطرندن ايكي غروش النور .
سنه لى كنه مشترى اولمق استيانلر عدليه نظارت جليله سى اوراق مدير لى كنه مراحت ايتلدر

(هيئت اتهاميه دن فى ٢٤ جادى الاخره سنه ٩٩)
(تاريخيله تنظيم اولنان مضبطه نك صورتيدر)

رئيس بكر افندى واعضا كمال بك و ديقران افنديدن
مركب اولان هيئت اتهاميه استيناف مدعى عموميسى
معارنلرندن توفيق بك دى حاضر اولديغى خالد
مذاكراته مخصوص اولان او طه ده عقد اجتماع ايدرك
بلاطه ساكن ملت و سويده دن و ايتاليا دولتى تبعه سندن
انتيقه جى ايساق و جيك خانه سنه بالدخول اشيا
سرق ايتلرندن طولاي مظنون عليه بولنان تبعه
دولت عليه دن قرق بش ياشنده سافزلى استغافى ايله
بلاط ساكنلرندن يكرمى بش ياشنده ساريقو و ينه
يكرمى بش ياشنده دباغ يانقو ولد ميخال و تبعه
يونانيه دن يكرمى الى ياشنده ميخال ولد يوركى و مرقوم
ميخال ماننطو طه سى اوتوز ياشنده قوز غنچق
ساكنلرندن انسطاشيه بنت قسطى و ينه تبعه دولت
عليه دن صماتيه لى يكرمى درت ياشنده يوركى ولد ديمترى

وانته ساكنلرندن يكرمى ياشنده پانده لى ولد استراطى
حققرنده در سعادت مركز بدايت جزا محكمه سى
استنطاق دائره سنجه جريان ايدن معاملات تحقيقيه يى
حاوى اولوب معارن مومى اليه جانبندن باتقرير اعطا
قلسان اوراق مومى اليهك فى ٢٩ جادى الاولى
سنه ٩٩ وفى ٦ نيسان سنه ٩٨ تاريخيله مورخ
ويوز اوتوز التى رقيه مرقم و ممضى ادعا نامه سيله
برابر ضبط كاتلرندن مخلص بكه قرائت ايتديرلدى
مذكور ادعا نامه مندرجاتى مظنون مرقومون بر بچق
ارشون ارتقا عنده كى ديوار اوزرنده بولنان التقات
او طه نك تيمور يار مقلغندن ايكي بچق ارشون ارتقا عنده
اوست قانده كى او طه يه چيقوب او طه نك پنجه سندن
دخول ايله صندوق و بورونك كليدر بى شكس ايدرك
درونندن بر طاق اچقه و اشيا سرق ايتدكلرى و مزبوره
انسطاشيه نك دى بونلره يتاقلق ايلديكى دلائل و امارات
سائر ايله ثابت اولمش و مرقومون استغافى و ماريقو

و یانقو و میخالک حرکت واقعہ لری قانون جزائک
ایکیوز یکرمجی و مزبورہ انسٹاشیہ نیک دخی قانون
مذکورک ایکوز اوتوزنجی مادہ سی ذیلنک فقرہ
ثانیہ سی احکامنی مستلزم افعال جنائیہ دن بولنش
اولغلہ اولوجلہ اتہام لری طلب و اداسندن عبارت
بولنشدر

معاون مومی الیہک خصوص مذکور حقندہ کی
تقریرینک حین استماعندہ آنف البیان ادانامہ
مندرجاتی تکرارایلہ برابر مظنونیت لری اوراق تحقیقیہ
مفادندن اکلاشیلوب حق لرنده برکونہ ادعا درمیان
اولنماش اولان یورکی و پانده اینک فعل سرقتندہ
مدخل لری اکلاشیلہ مدیغندن بحثلہ منع محاکمہ لری نہ
دائر اولان مستنطق قرارینک تصدیقنی طلب ایلدکن
واعول محاکمات جزائیہ قانون موقتک ایکوز التنجی
مادہ سی موجبہ مومی الیہ ادعا نامہ سنی وضبط کاتی
دخی بالجلہ اوراق تحقیقیہ فی ہیئہ بالتسلیم اوطلہ دن
چقدقلندن صکرہ قانون مذکورک ایکوز یدنجی
مادہ سندنہ کوسرلیدیکی وجہلہ خصوص مذکورک
بلافاصلہ مذاکرہ سندنہ لای ابتدار مظنون مرقوموندن
استقانی و ساریقو و یانقو و میخالک اسناد اولنان فعل
قانون جزائک ایکوز یکرمجی و انسٹاشیہ نیک حرکت
واقعہ سی دخی قانون مذکورک ایکوز اوتوزنجی
مادہ سی ذیلنک فقرہ ثانیہ سی موجبہ مذکور ایکوز
یکرمجی مادہ قانونیہ احکامنی مستلزم افعال جنائیہ دن
اولدیغنه و اوراق تحقیقیہ مندراج اولان دلائل
وامارات مرقومونک جنایتلہ اتہام لرنہ درجہ
کافیہ دہ بولندیغنه بناء سالف البیان ادانامہ منظوقجہ
مظنون مرقومون استقانی و ساریقو و یانقو و میخالک
بالاتفاق درت ارشون ارتفاعندہ بولنان پچرہ دن
درون خانہ یہ دخول ایدرک فعل سرقتندہ متجاسر
اولرندن و مزبورہ انسٹاشیہ نیک دخی بولنہ یتاقلق

ایلمسندن ناشی در سعادت محکمہ استیضایہ سی جنایت
قسمندہ محاکمہ لری اجرا اولنق اوزرہ جنایتلہ اتہام لرنہ
ویورکی و پانده اینک عندالتدقیق فعل سرقتندہ مدخل
و مشارکت لری کوسرتر برکونہ دلیل و امارہ کوریلہ
مدیکندن مرقومونک منع محاکمہ لری حقندہ کی مستنطق
قرارینک تصدیقیلہ سبیللرینک تخلیہ سندنہ طقسان
طقوز سندنہ سی جادی الاخرہ سندنک یکرمجی و طقسان
سکر سندنہ سی نیسانک یکرمی بشنجی کونی ایتالیا و یونان
دولتی قچیلاری لری ترجائلرندن موسیو قانجیا
و موسیو فرہ بانو پلو حاضر اولدقلری حالہ متفقاً
قرار و بریلہ رک مرقومان یورکی و پانده اینک سبب
حاضرہ مبنی موقوف اولدقلری صورتندہ سبیللرینک
تخلیہ سی حقندہ مذکرہ تسطیر و اعطا قلنش و متهم
استقانی و ساریقو و یانقو و میخالک و انسٹاشیہ نیک
موقوف بولندقلری اوراق موجودہ مألرندن متهم
اولسی جہتلہ بولنر حقندہ اخذ و گرفت امری و برلسنہ
محل کوریلہ مامش اولدیغندن متهم مرقومونک محکمہ
مذکورہ حبس خانہ سندنہ نقل لری اقتضا ایدر

(هیئت اتہامیہ دن فی ۱۸ ربیع الاخر سنہ ۹۹)
(تاریخیلہ ویریلان مضبطہ نیک صورتیدر)

رئیس بکر افندی و اعضا کمال بک و دیگران افندی دن
مرکب اولان هیئت اتہامیہ استیضای مدعی عمومی
معاملرندن توفیق بک دخی حاضر اولدیغنی حالہ
مذاکرانہ مخصوص اولان اوطلہ دن عقد اجتماع ایدرک
معاملہ تجاریہ دن طولای ایتالیا دولت فحیمہ سی
تبعہ سندن و ندیکدہ مقیم پاسکیارہ قومانیہ سندنہ دینی
بولنان معلوم المقدار مبالغہ مقابلہ کوندرہ تدبیر

اولنق اوزرہ ویرمش اولدیغنی اوج قطعہ پولیچینک
ساختہ اولدیغنی اخبار اولنمسندن طولای مظنون
علیہ اولان تبعہ دولت علیہ دن الی الی یاشندہ آستانہ لری
پترو زانہ حقندہ بک اوغلی بدایت جزا محکمہ سی
استنطاق دائرہ سنجہ جریان ایدن معاملات تحقیقیہ یی
متضمن اولوب معاون مومی الیہ طرفندر باتقریر اعطا
قلنان اوراق ایلہ اولسایندہ مستنطق طرفندن منع
محاکمہ یی حاوی ویریلان قرارنامہ علیہنہ اعطا
اولنان اعتراضنامہ معاون مومی الیہک فی ۲ ربیع
الآخرہ سنہ ۹۹ و فی ۹ شباط سنہ ۹۷ تاریخیلہ
مورخ و بیک بشیوز قرق بش نومرو ایلہ مرقم
و بعضی ادعا نامہ سیلہ برابر ضبط کاتبلرندن جبال
افندی بہ قرائت ایتدیرلدی

معارض علیہ اولان قرارنامہ نیک خلاصہ مآلی جریان
ایدن تحقیقات استنطاقیہ نظر اخبار و ادعا اولنان
جرمک نوعی قانون جزائک یوز الی بشنجی و ایکوز
اوتوز اوجنجی مادہ لری احکامنی مستلزم ججہ
افعالندن بولنش ایسده اخبار اولنان فعلک وقوعی
تاریخندن اقامہ دعوی تاریخنہ قدر بش سندنہ دن
زیادہ زمان مرور ایلدیکی عندالتدقیق اکلاشلش
اولدیغندن اصول محاکمات جزائیہ قانون موقتک
درتیوز سکسان برنجی و سکسان ایکنجی مادہ لری
احکامنجہ حقوق عمومیہ نیک سقوطنہ مبنی مظنون
علیہ مرقومک مذکور قانون موقتک یوز یکرمی
اوجنجی مادہ سندنہ توفیقاً منع محاکمہ سندنہ قرار ویرلیدیکی
متضمندر

مذکور اعتراضنامہ خلاصہ مفادی دخی بردعوادہ
مرور زمان اولوب اولدیغنی تدقیق بر محکمہ رسمیہ یہ
عائد اولدیغنی و مستنطق لری منع محاکمہ یی صلاحیتی
اصول محاکمات جزائیہ قانون موقتک یوز یکرمی
اوجنجی مادہ سی موجبہ اسناد اولنان فعلک نہ جنایت

و ججہ ونہ قباحت المدیغنی و یا خود مظنون علیہک
ارتکاب ایتدیکنہ دائر برکونہ دلیل و امارہ بولندیغنی
زمانہ اولوب یوخصہ اسباب سائرہ بناء منع
محاکمہ یی قرار ویرمش اصول محاکمہ یی مخالف
بولندیغنی کبی پولیچینک ساختہ لکی انجق یکرمی
سکر ماہ ظرفندہ اکلاشیلوب شو حالہ بوندہ مرور
زمان اولدیغنی موقلی طرفندن کندوسنہ کوندریلان
وکالت سندیلہ ایتالیا دولتی سفارتی تقریرینک
تاریخ لری معاینہ سیلہ نمایان ارلہ ججی و مرور زمان
قاعدہ سی طرفین محاصمینک بربلدہ بولنر یلہ
مشروط اولوب حالبوکہ مظنون علیہ زانہ اوج
درت سنہ در سعادتدن غیوبت ایلدیکی خارجیہ
نظارت جلیلہ سمنک اوراق رسمیہ سیلہ مثبت بولندیغنی
و ججہ دعواسی اوج سنہ مرور یلہ ساقط اولہ ججی
اصول محاکمات ایلہ تعیین اولنش ایسده ادعا اولنان
جرم اصول محاکمات نشرندن اول وقوع بولدیغندن
شو حالہ قانون مذکورک ماقبلنہ شمولی ارلہ میہ ججی
جہتلہ بودعوادہ مرور زمان مستثنا اولدیغنی و مرور
زمان ادعاسی مدافعات استیضایہ دن اولدیغنی حالہ
مظنون علیہ پترو زانہ نیک عندالاستنطاق جرمک
وجودینہ بر دیحکی اولیوب انجق کندوسنک
معلوماتی اولدیغنی بیان ایلہ مدافعہ ایتدکن صکرہ
مرور زمان ادعاسی قانوناً قبول اولنہ میہ ججی بیاندن
عبارتدر

ادعا نامہ نیک خلاصہ مندراجاتی دخی بومادہ اصول
محاکمات جزائیہ قانونک نشرندن مقدم وقوع بولوب
قانونک ماقبلنہ شمولی اولہ میہ ججی کبی مدعی
شخصینک تبعہ اجنبیہ دن اولوب قانون مذکورک
سفارتجہ قبولی نشرندن برسنہ صکرہ وقوعہ کلوب
ومع هذا بومقوله بونو ساخته کارلغی جرح و قتل
و سرقت کبی تاریخ وقوعندہ اکلاشلیق قابل اولہ میوب

بونلرک تاريخ و قوعی ساخته لکنه کسب و قوف و اطلاع اولنديغی کوندن معتبر اولمق لازم کلوب بحق موقوف مرقوم طرفندن بدايت مدعی عمومیلکنه بالاعطا ارسال قلنان استمدعا ایله لایحه ده وکیل مومی الیه شهادتنامه لی آوقاقلردن اولدییغی و بالخصیص بوماده اولجده محاکم تجارتده رؤیت اولنه رق اولوقت کندوسنک قومیا نه مذکور اولان دیی تحقق ایتدیکنندن تحصیلیه الزام اوانوب ایشته حقوق عمومیه تعلق ایدر جهت قالمدیغی و ذکر اولسان بورجی ایچون ایکی دفعه طقسان برکون محبوس اولدیغی دربار اولمش و بوضو ترلر تحققی حالده ایشک رنکی داشوب وکیل مومی الیه بوبابده استماع اولیه جغی کی کیفیت تکرار محاکم نظامیه ده رؤیتنه دخی محل قالمه جغی درکار ایدوکنندن اول امرده بوجه تریک بالتحقیق تین ایدجک حاله کوره اوتضای قانونیه سنک تحت قراره النسی طلبندن عبارتدر

معاون مومی الیهک خصوص مذکور حقنده کی تقریری استماع اولدوقدن و اصول محاکمات جزاییه قانون موقتک ایکیز التجی ماده سی موجب جغی مومی الیه مارالذکر ادعا نامه سی وضبط کاتبی دخی بالجمله اوراق تحقیقیه بی هیئته بالتسلیم اوطه دن چیقدقلردن صکره قانون مذکورک ایکیز یدنجی ماده سنده کوسترادیکی وجهله خصوص مذکورک بلافاصله مذاکره سنه لدی الابتدار مستنطق قرارنامه سی علیه نه بوجه محرر اعتراض اولنیورایسه ده اصول محاکمات جزاییه قانون موقتک درتیوز سکسان ایکنجی ماده سنه نظراً خصوص مذکورده مرور زمان اولدیغی فعلک وقوعی تاریخیه اقامه دعوی تاریخندن اکلانسنه واکرچه معامله مسروده اصول محاکماتک نشرندن اول وقوع بولدیغی جهته قانونک دخی ماقبلنه شمولی

(فی ۱۶ ربيع الآخر سنه ۹۹ وفی ۲۲ شباط)
(سنه ۹۷ تاریخیه محکمه تمیز حقوق دائره)
(سندن و بریلان اعلامک صورتیدر)
صارو حان سنجاغنه تابع افحصار قصبه سنده ساکن ملتر میندن تحت جی اوغلی یوری ایله حکومت سنه یلینده الترامدن متحدث دعوايه دائر افحصار بدايت محکمه سندن و بریلان فی ۳۱ مارت سنه ۹۶ تاریخلی اعلامک تمیزاً رؤیت و تدقیق مرقوم یوری طرفندن متفرعاتیه برابر اعطا قلوب و آیدین استیناف محکمه سی ریاستندن باتحیرات مخصوصه محکمه تمیز حقوق دائره سنه کوندریلان عرض حالده استدعا وقصبه مذکورده ساکن مارقو اوغلی امضالی

وفی ۳۰ اغستوس سنه ۹۶ تاریخلی برقطعه مصدق کفالتنامه اعطاسیله تأمینات لازمه ایفا قلنش ودعوت واقع اوزرینه مستدعی مرقوم یوری طرفندن مارقو اوغلی قوقولی افندی ومدعی علیه اولان مالیه خزینة جلیله سی جانبندن عزتاورشید افندی باسند مصدق وورقه محتومه وکاله کله رک وکیل مزبور قوقولی افندی حازر اولدیغی مأذونیه بناء قدری افندی بی مسجلاً توکیل ایش اولدیغندن تعلق دعوی حسبیه باش مدعی عمومیلک معا و نلرندن یور غاکی افندی حاضر اولدیغی حالده تدقیقات تمیزیه اجراسنه ابتدار اولندیغی ائشاده وکیل مومی الیه رشید افندی لایحه جوابیه ده محرر اولدیغی وجهله مستدعی مرقوم یورکینک لاجل التمیز ارانه ایتدیکی کفیل کندو متعهدی اولسی وبخصوصه متعهد مرقومه محکوم علیه بولنسی حسبیه انک کفاتی قانوناً معتبر اولدیغی کی ذاتاً تعریف قانونی وجهله مصارف محاکمه ایله ضرر وزیانک ومبلغ محکوم بهک ایفاسی دخی تأمین ایدلماش اولدیغی واکرچه مستدعی مرقوم صورت تأمینده املاک محجوزه سنی کوستر مکده ایسه ده املاک مذکوره در دست مزایده اوله رق بونلرک قیتریده مبلغ محکوم بهه نسبتله درجه کفایه ده بولندیغی وبونکله برابر تمیزاً رؤیت و تدقیق استدعا قلنان اعلام علیه نه اولجه مرقوم یوری طرفندن استیناف دعوی اولنسی اوزرینه محاکمه استینافیه در دست اجرا اوله رق بویه هنوز نتیجه پذیر اولیان استیناف دعوا سندن رجوع ایله تمیز استدعا سنه قیام ایدلسی دخی مخالف قانون ایدوکی بیانیه تمیز استدعا سنک ردینی ادعا ایتدکنن ومستدعی مرقوم وکیل قدری افندی بوبابده کی مدافعات بعد الاستماع بوجهت موقع تدقیقه قونیله رق حاصل اولان نتیجه ده وکیل

مومی الیه رشید افندیک ادعای مشروحي موافق نفس الامر وشایان قبول اولدیغی تین ایشیه ردیه قرار ویرادکنن صکره اوراق مرقومه وکیلان مومی الیهما مواجهه سنده قرأته اساس حقنده کی ادعا وافاده لری کندولرندن استفسار اولندی اعلام مذکورک خلاصه مندر جائنه نظراً حکومت سنیه وکیل محمد روحی بکک افحصار قضایی داخلنده بولنان معلوم الاسامی اون قلم تیساراتک جبوباتی اعذارینی سنوی درت ییک سکر یوز اون بش لیرا بدل ومارقو اوغلی قوقولی کفاتی ایله درعه ده والتزام ایش اولان مرقوم تحه جی اوغلی یورکی بدل مذکورک صورت تأدیه ومحل اعطاسنه دائر اولان شرائط احاله یه رعایت ایتدیکی وبونک اوزرینه ملترم مرقومک بوجه مقاوله ذخایر موجوده سی تحت حجزه اندیغی بیانیه حجزک تصدیق وضرر وزیانک تضمینی حقنده افحصار بدايت محکمه سنده اقامه ایلدیکی عوان طولانی ملترم مرقوم طرفندن شرائط احاله یه رعایت وجانب حکومتدن دخی واقع اولان معامله حجزیه ده اصابت اولرب اولدیغی بولنده طرفینک محکمه مزبوره جسه جریال ایدن محاکمه لری نتیجه سنده ملترم مرقوم یورکینک جانب حکومت ویرمش وامضاسنی مقر ومعترف بولنش اولدیغی فی ۱ تموز سنه ۹۵ تاریخلی سنده بدل مزبور دن بشده برینی مال صندوقه وباقی سنی حواله قارشولغی اوله رق حکومت سنیه نک امر ایده جکی محله تسلیم ایشی وتقاسیط معینه دن برویا ایکی تقسیطی وقتیه تأدیه ایده مدیکی ویاخود بدل مذکور دن قصوری سنه آیه یه بوراغلدیغی تقدیرده فائضندن بشقه ذخایر موجوده سنک واولدیغی صورتده املاک وعقاریک تحت حجزه النسی وکار وضررینک ملترم طائد بولنسی شروطی مسطور

بولنش و ملتزم مرقوم طرفندن تقاسيط معينه دن ايكي تقسيط مروور ايتمكدن صكره يالكر بشيوز ليرا وير بله لك اوده ر تقسيطك ثلثائه بيله واراماش اولديغنه ميني عقار و ذخاير موجوده تحت چيزه النمش اولديغندن ملتزم مرقومك بدل مذكور دن تسليم ايلديكي بشيوز ليرادن ماعدا سنك كرك مال صندوقنه و كرك مال صندوقني واسطه سيله بانقه يه تسليماتي اولديغني حالده ابراز ايله چكي علم و خبر اوزرينه تنزيل ايدلك اوزره ذخاير موجوده نك فروخته استيفاسنه و بو ذخاير دينه كفايت ايتديكي حالده متعهدك عقار مجبوز ينك دخی فروخته و بونك موقفاً اجرا سنه قرار و يرلديكي اكلا شلشدن

مستدعي تمير يوركي و كيلى قدرى افنديك خلاصه اعتراضاتي موكلنك فروخته حكم اولنان ذخايري حقنديكي چيز كفيتي حكم قانون دائره سنده واقع و معاملات لازمه يي شامل اولديغني حالده محكمه جه بورالينه دقت اولقمسرين عادتاً وجودي اوليان برچرك تصديقه حكم اولمسي و محكمه نك (علم و خبر ابراز ايدر ايسه تنزيل ايدلك اوزره) ديو واقع اولان قولي مبلغ محكوم بهك مجهول اولديغني و محاكمه نك ختام بولديغني ايا ايدر احوال دن بولمسي و بدل اعشارك يوزده سكساني اچون حكومت سنيه و يريلان امره محرر سندلر بانقه يه حواله اولنش ايكن بوسندلر استخلاص و محكمه يه ابراز ايدلكسرين محكمه نك سندسز حكم و يرمسي و شرطنامه ده محرر اولديغني وجهله ذكر اولنان سندلر خارجنده قالدېغنه دقت اولنامسي و متعهد عليهنده دعوي اولديغني و خصوصيله متعهد مرقوم جلب و دعوت اولنديغني حالده بلا محاكمه متعهده دخی تجاوز حكم ايتديرلمسي و كذلك طرفيندن دعوي

سبق ايتكسرين مبلغ مدعا يهدن بشيوز ليرانك تنزيله قيام ايدلسي و ميدانده يالكر محاسبه تحتنه بر شرطنامه موجود و حكم دخی بروجه محرر مجهوله مبتى ايكن بلا ادعا اجراي موقته قرار و يرلمسي و حين احاله اعشارده بدل اعشارك بانقه يه حواله قلنان قسم اعظمي حقنده باقي جابنندن بركونه و كالتي اوليه رق حكومت و كيلك اني دخی دعوايه قيام و محكمه جه بورا سنه بلا دقت مجموع بدل اعشارك حكم و اعلام ايدلسي احكام قانونيه و اصول محاكمه يه مخالف اولديغندن و چيز قانونينك عدم وقوعي سببيله موكلنك ضرر و زيانني بنقه جه ادعا خصوصنده صلاحيتي دركار بولنديغندن بمثله اعلام معترض عليهك نقضی استدعاسي حاويدر

مدعي عليه اولان خزينه جليله ماليه و كيلى رشيد افنديك نتيجه جوابي دخی ملتزم مرقوم يوركينك درعهده و التزام ايتش اولديغني اعشارك تقاسيطندن يالكر بشيوز ليراسنك تسليمي اعتراف ايتميه بدل اعشاردن قصورينك ذمته قالدېغني متحقق بولنش و شو حالده ملتزم مرقومك سندی و خصوصيله اعشار نظامنامه سي احكامجه ذمت متباقه سي طلب و استيفايه خزينه جليله نك حق بديهي كورنش اولديغني و كندوسنك اوبولده ادعا و اعتراف ضره قيسامي مطلوب خزينه يي سورنجميه دوشورمك مقصدينه مبتى بولنديغني بيانيله اعلام معترض عليهك تصديقي طلبني محتويدر

بونك اوزرينه اعتراضات و افادات واقعه لري خارجنده بشقه برديه جكري اولديغني و كيلان مومي اليهمادن ليدى السؤال اكلا شلدن صكره بو باده كي افكار و مطالعاتي معاون مومي اليه بورغاي افنديدن استفسار اولندقه اعلام مذكور ده موضوع بحث

يوز الي ذراع عرصه سي بوندن اقدام مزايده يه قونيله رق ليرا يوز غروش حساييله بيك ايكوز الي غروش بدل ايله طالي عهده سنده تقرر ايتش اولديغندن تاريخ اعلاندن اعتباراً نظمي وجهله يوزده بش ضميمه زياده يه طالب اولانلر ك در سعادت بدايت محكمه سي اجرا دائره سنه مراجعت ايتلري اعلان اولنور

في ۲۶ مايس سنه ۹۸

بوركي اصنافندن حاجي حسين افانك در سعادت بدايت محكمه سي برنجي حقوق اتره سندن اعطا قلنان بر قطعه اعلام موجبجه حاجي بكر اغايه ديني بولنان مبالغ معلومه نك تا مين استيفاسي ضمننده مرقوم اولان بك اوغلنده يكي شهر جاده سنده كا ن بر طرفي محمود بك غاز ينوسي و ديكر طرفي شيشه خانه و ارقه سي شيشه خانه زقاني و او كي طريق عام ايله محدود تخميناً اوچوز الي ذراع مقداري عرصه اوزرينه ميني فوقيه درت باب او طه يي حاوي بولنان يوز يتش بش نومرولي فرونك يوز يكرمي سهم اعتباريله قرق سهم حصه شايه سنك تاريخ اعلاندن اعتباراً اون بش كون صكره فروخته تشبث اولنه چغي در سعادت بدايت محكمه سي اجرا مأمور يتندن اعلان اولنور

في ۲۶ مايس سنه ۹۸

فاطمه نيه خانك اسيرجي احمد اغايه ديني بولنان مبالغ معلومه نك تسويه سي ضمننده فروختي محكوم اولان اسكدارده صلاحق نام محمله كا ن يدي نومرو ايله مرقم بر باب ساحلخانه نك نصف حصه سي تاريخ اعلاندن اعتباراً اون بش كون صكره فروخته تشبث

اولان چيزك اصول محاكمه حقوقيه قانون موقتك فصل مخصوص احكامنه توفيقاً وضعنه و معاملات سائر سنك اجرا سنه دائر بركونه قيد كوريله مديكنه و درجه اولي محكمه سنده ابراز و مطالعه اولنان و شرائط احالي حاوي بولنان سندده ملتزمك بدل اعشاردن مال صندوقنه تسليم اولنه چق مقدار دن فضله سي حكومت سنيه نك امر ايله چكي محله ويره چكي مسطور اولوب شو حالده ملتزم مرقومك اوبولده تسليماتي اولوب اولديغني و اولديغني حالده نه مقداره بالغ ايدوسي بالتحقيق اكلا كوره حكم و يرانك لازم كلور ايكن بوجه نك دخی عدم تدقيق ايله حكم واقع شرطه معاق قلنش و الحاصل طرفينك تشكيلي و اجراي مواجهه لري كي محاكمه نك معاملات اساسيه سنه دائر اعلامده صراحت كوريله مامش اولديغندن مستدعي تميرك اعلام مذكور علتهنده كي اعتراضاتي موافق قانون اولديغني بولنده اراد مطالعات ايتش و متعاقباً امر مواجهه نك ختام بولديغني و كيلان مومي اليهمايه تفهيم اولنشدر (بقيه سي صكره)

اعلانات

برنجي حقوق دائره سندن اعطا قلنان بر قطعه اعلام موجبجه حسن افنديك قسپار ورثه سنه ديني بولنان مبالغ معلومه نك تسويه سي ضمننده مديون مرقومك متصرف اولديغني بك اوغلنده بانقه التي نام محمله ديكر بكجي زقا قنده كا ن بر طرفي اتمكجي مارد يروسك يكرمي بر نومرولي عرصه سي و ديكر طرفي عرصه خاليه و ارقه سي ماريچه قادينك عرصه سي و او كي طريق عام ايله محدود يكرمي اوچ نومرو ايله مرقم

اولنه جنى در سعادت بدايت محكمه سى اجرا دائره.
سندن اعلان اولنور في ۲۵ مايس سنه ۹۸

متوفى حاجى اطام ورثه سى اسقوهى قادين
ذمتنه با اعلام الاجنى اولان مبالغ معلومه يه متابل
وقاء فراغ و ترهين ايدلش اولان مديونه مزبورنك
قاضى قريه سنده عثمان اغا محله سنده كان اوچ
نومرولى بر باب خانه سى فروختى مقرر اولغله
تاريخ اعلانن اعتباراً اون بش كون صكره مزايده سنه
مبادرت اولنه جنى اسكدار اجرا دائره سندن اعلان
اولنور في ۲۶ مايس ۹۸

اسفانك شاكربك ۹۹ نومرولى اعلام موجبنه
محكوم به دينى اولنان مبالغ تسويه سى ضمتنه
محموز اولوب فروختى مقرر اولان باغچه قپوسى
خارجنده شيخ محمد كيلانى محله سنده شايجى خانى
دروننده يكرمى التى نومرولى اوطة موقع مزايده يه
قونيله رق ليرايوز غروش حساييله اون بشيك درت
يوز غروشه طالبي عهده سنده تقرر ايلد يكنندن
تاريخ اعلانن اعتباراً اوتوز بركون ظرفنده تقرر
ايدن بدل اوزرينه يوزده بش ضميله طالب اولنرك
بك اوغلى بدايت محكمه سى اجرا دائره سنه مراجعت
ايللري اعلان اولنور في ۱۸ مايس سنه ۹۸

ايوب محكمه سى مقيدى مصطفى افنديك آسيه خانه
دينى بولنان مبالغ معلومه نك تسويه سى ضمتنه مديونك

ايوب جوارنده قلندر خانه محله سنده كان بر طرفى
ديكيچى دكانى وصول طرفى قلندر خانه وقفى وارقه سى
دلونك بوستانى واوكى طريق عام ايله محدود فرق
درت نومرو ايله مرق عرصه ده بولنان بر بيق ربع
حصه سى تاريخ اعلانن اون بش كون صكره
فروخته تشبث اولنه جنى در سعادت بدايت محكمه سى
اجرا مأمور يندن اعلان اولنور
في ۱۹ مايس سنه ۹۸

انسطاشيه قدينك ۹۸ نومرولى اعلام موجبنه
متوفاة قاترينه ورثه لرينه اولان دينك تسويه سى ضمتنه
طاطا اولده ايازمه زقاقنده طقوز نومرو ايله مرق
متوفاة مزبوره عهده سنده مرهون اولان بر باب خانه
تاريخ اعلانن اعتباراً اون بش كون صكره بلزايله
فروخت ايندير يله جى بك اوغلى بدايت محكمه سى
اجرا مأمور ينى جانندن اعلان اولنور
في ۲۵ مايس سنه ۹۸

استاور بك قانزويه ۹۹ نومرولى اعلام موجبنه
دينى اولان مبالغ معلومه نك تسويه سى ضمتنه مديون
مر قومك بك اوغلند، بقالتى نام محله خيريه زقاقند،
۱۷ نومرولى متصرف اولديغى بر باب عرصه سى
تاريخ اعلانن اعتباراً اون بش كون صكره بلزايله
فروخت اولنه جنى بك اوغلى بدايت محكمه سى اجرا
دائره سى طرفندن اعلان اولنور
في ۲۵ مايس سنه ۹۸

مطبعة عامر ده طبع اولندى

1956 SB 220
Ceride-i Mehakim
1881

(2)
531